

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԵՐԵՎԱՆ ՔԱՂԱՔԻ ԱՎԱԳԱՆԻ

«-----» 2024թ.

N \_\_\_\_ Ն

Ո Ր Ո Շ ՈՒ Մ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N 1-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝

**Երևանի ավագանին որոշում է.**

1. Երևանի ավագանու 2009 թվականի հունիսի 18-ի «Երևան քաղաքի կանոնակարգը ընդունելու մասին» N 1-Ն որոշման հավելվածում կատարել հետևյալ փոփոխությունը.

1) հավելվածի 75-րդ կետը շարադրել նոր խմբագրությամբ.

«75. Ավագանու յուրաքանչյուր հերթական նիստին Ավագանու անդամի բանավոր հարցերին պատասխանում են Քաղաքապետը, Քաղաքապետի տեղակալները, վարչական շրջանների ղեկավարները և Քաղաքապետարանի աշխատակազմի ստորաբաժանումների ղեկավարները:»

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

«Ազգային առաջընթաց»  
խմբակցության անդամ

Հայկ Գրիգորյան

**ՏԵՂԵԿԱՆՔ – ՀԻՄՆԱՎՈՐՈՒՄ**  
**«ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N 1-Ն**  
**ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ»**

**ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ**  
**ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ**

**Ընթացիկ իրավիճակը, իրավական ակտի ընդունման անհրաժեշտությունը, առկա խնդիրների առաջարկվող լուծումները.**

«Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 1-ին կետով նշվում է, որ Երևան քաղաքի ավագանին ընդունում է իր կանոնակարգը:

Երևանի ավագանու 2009 թվականի հունիսի 18-ի «Երևան քաղաքի կանոնակարգը ընդունելու մասին» N 1-Ն որոշման հավելվածի 75-րդ կետը սահմանում է ավագանու հերթական նստաշրջաններին՝ երկու ամսվա մեջ մեկ նիստի ընթացքում, ավագանու անդամի բանավոր հարցերին պատասխանում են քաղաքապետը, քաղաքապետի տեղակալները, վարչական շրջանների ղեկավարները և քաղաքապետարանի աշխատակազմի ստորաբաժանումների ղեկավարները: Սակայն գործնականում դա հանգեցնում է մի այնպիսի իրավիճակի, երբ ավագանու անդամը ունենում է հարց՝ ուղղված վարչական շրջանների ղեկավարներին, սակայն նշված անձինք ներկա չեն լինում նիստին ու ստիպված պետք է կամ թղթային տարբերակով ուղարկել հարցում, կամ սպասել մինչև հաջորդ ամսվա մեջ կայացող ավագանու նիստին, որի դեպքում էլ տվյալ հարցը կորցնում է իր հրատապությունն ու արդիականությունը:

Հաշվի առնելով վերոգրյալը՝ առաջարկում ենք սույն փոփոխությունը, որը միտված է յուրաքանչյուր նիստին քաղաքապետի, քաղաքապետի տեղակալների, վարչական շրջանների ղեկավարների և քաղաքապետարանի աշխատակազմի ստորաբաժանումների ղեկավարների հաշվետվողականությունը բարձրացնելուն, ինչը և կխթանի հանրության առջև առավել թափանցիկ ու պատասխանատու գործելուն:

«Երևան քաղաքի ավագանու 2009 թվականի հունիսի 18-ի N 1-Ն որոշման մեջ փոփոխություններ և լրացումներ կատարելու մասին» Երևան քաղաքի ավագանու որոշման նախագծի ընդունումը Երևան քաղաքի բյուջեի եկամուտների և ծախսերի ավելացում կամ նվազեցում չի առաջացնում:

**«Ազգային առաջընթաց»  
խմբակցության անդամ**



**Հայկ Գրիգորյան**


Ա Մ Փ Ո Փ Ա Թ Ե Ր Թ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N 1-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ»  
 ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ

Հ/Հ	Առաջարկության, առարկության հեղինակը	Կատարված փոփոխությունները
1.	<p>«ՀՀ արդարադատության նախարարություն N //16604-2024 «29» ապրիլի 2024թ.</p> <p>1. Անդրադարձնալով նախագծի հիմնավորմանը՝ հարկ ենք համարում նշել, որ նորմատիվ իրավական ակտի ընդունման հիմնավորման ճիշտ կատուցվածքը և բովանդակությունն ունեն առանցքային նշանակություն, հետևաբար իրավական ակտի հիմնավորման մեջ պետք է ներառել իրավական ակտի ընդունման անհրաժեշտությունը, ընթացիկ իրավիճակը և խնդիրները, տվյալ բնագավառում իրականացվող քաղաքականությունը, կարգավորման նպատակը, բնույթը և ակնկալվող արդյունքը: Այնինչ, տվյալ դեպքում նախագծին կից ներկայացված հիմնավորումից հնարավոր չէ լիարժեք ձևով գնահատել ներկայացված նախագծի արդյունավետությունը, քանի որ բացակայում են տվյալ բնագավառում իրականացվող քաղաքականության, կարգավորման նպատակի, բնույթի և ակնկալվող արդյունքի համապատասխան խորը և համապարփակ վերլուծությունները, ինչն էական նշանակություն և կարևորություն ունի ներկայացված առաջարկությունների հիմնավորվածությունը լիարժեք ձևով գնահատելու համար:</p> <p>Անհիփեյնով վերոգրյալը և նկատի ունենալով, որ ներկայիս կարգավորմամբ արդեն իսկ նախատեսվում է, որ Ավագանու հերթական նստաշրջաններին՝ <b>երկու ամսվա մեջ մեկ նիստի ընթացքում</b>, սկսված անդամի բանավոր հարցերին պատասխանում են Քաղաքապետը, Քաղաքապետի տեղակալները, վարչական շրջանների ղեկավարները և Քաղաքապետարանի աշխատակազմի ստորաբաժանումների ղեկավարները՝ գտնում ենք, որ անհրաժեշտ է լրացուցիչ հիմնավորել</p>	<p>1. Ընդունվել է: Տերելանք- հիմնավորումը լրամշակվել է:</p>

	<p><b>ավագանու յուրաքանչյուր հեղթական նիստին</b> ավագանու անդամի բանավոր հարցերին Քարլաքապետի, Քարլաքապետի տեղակալների, վարչական շրջանների ղեկավարների և Քարլաքապետարարանի աշխատակազմի ստորաբաժանումների ղեկավարների պատասխանները և վերաբերյալ կարգավորման ներդրման անհրաժեշտությունը:</p>	
--	--	--

**«Ազգային առաջընթաց»  
Խմբակցության անդամ**



**Հայկ Գրիգորյան**